

stiliis; Quantâ ad omnia ista industria opus est! Quanti ingenii sit singulas sectas percipere! Quanti judicii in isto disfensu verum ubiq; discernere à falso! Ita Vossius de Sect. Philos. cap. XXI. §. 11. Sed hanc difficultatem ipsemet è vestigio ita tollit, ut ex difficultate ipsa, secundùm illud tritum δύσκολα τὰ καλὰ, nobilitatis ac præstantiæ argumentum capiat; ut hebetes ac inertes facile hanc sectam à se arcere dicat, at non item eos qui ingenii acie & judicio valent; ut hanc viam puet optimam certissimamq;, qua animi adolescentum abduci queant à rebus vanissimis, inflammandi scilicet amore virtutis ac veritatis in profundo specu delitescentium, nec nisi magno labore ac industriâ multâ extrahendarum. Quod si ad hominem accommodare responsum, &c, quæ Sectariis subeundæ difficultates, qui labores sustinendi sint, & quām inutiles sæpe ad inveniendum verum, ostendere vellemus; argumentorum ertè materia nulla ex parte nobis esset defutura. Ut enim ad Aristotelicorum sectam animum vel obiter advertamus, cùm obscurus esse Magister ipsorum datâ operâ voluerit, Ammonio in Categ. sub init. Simplicio in Procœm. super Libb. Phys. & in Prædicam. Pacio in fine Lib. VIII. Phys. aliisq; testibus, imò ipso in Epist. ad Alexandrum apud alleg. Simplic. & Aulum Gellium Noct. Att. Lib. XX. cap. V. fatente, ut menda plurima quæ temporis injuriâ in textum passim irrepseré non commemorem; immenso certè labore opus est, si sensum verborum genuinum ubiq; assequi, si consequentium & antecedentium cohæsionem ostendere, si loca pugnantia conciliare & à contradictionibus liberare, quis voluerit; ne dum, si tueri ejus decreta contra adversariorum insultūs, si distinctiones, limitationes, effugia omnia, quibus eo in casu opus habet, animo complecti, si deniq; Interpretum Græcorum, Arabum, Latinorumq; innumerorum immensa volumina (è quibus ista priora petenda veniunt) e-
volvere, Aphrodisæos, Philoponus, Simplicios, Ammonios,